

Anyut

Kadi bed ni leleyo jami me acata dong ori iyi Africa pi kare maromo mwaka pyerabic twal, nen kamaleng in dano mapol me Uganda tye ki ngec manok twatwal ikom leyo wil, tic gi, kede kit ma otwero nwongo kede kony. Dong pimano, dano manok iyi Uganda tiyo tic me leyo cat kede wil, bene pol gi pe gingeyo kit me tic me nongo magoba ika leyo cat ki wil.

Tic ikom mic ma adwogi ne tye, ki jami me acata ibot ka leyo wil, pe tek kit ma dano mukene tamo kwede. Karatac onyo waraga man bi nyuto kit peny ma dano ma nongo lok i kom cuk me cati nyen maro peny.

Ngo obedo jami ma adwogi ne gene onyo leyo jami ma acata?

Man obedo kabedo mo (macalo cuk me cem) ka ma luwil ki lucat rwate iye kadong gicato cat me jami ma adwogi ne gene iwel ma guwinye iye.

Cawa mene ma leyo cat ki wil time iye?

Ka leyo cat ki wil giyabo cawa ariyo kinucu naka cawa apar-acel cako iceng baraja (okiko) naka ceng abic. Dok gi loro i Uganda kany inino madongo calo uhuru ki christmas. Cat i ika leyo cat ki wil time ceng ariyo ki ceng angwen cako cawa angwen naka cawa abic me odiiko.

Ngo obedo mic ma adwogi ne tye?

Man aye obedo dul pa dano mo-ni matye i kampuni mo-ni.

Anga ma miyo jami ma adwogi ne tye?

Kampuni, gamente ,kede oloc atitino.

Jami ma adwogi ne tye gimiyo pingo?

Jami ma adwogi ne tye gimiyo pi nongo cente mo pikare malac, pi nyayo onyo dongo kampuni moni. Dok bene gimiyo pi culo banya manwongo kampuni onyo gamante ogamo.

Weko gin acato bedo icuk bot lwak obedo ngo?

Man aye kare ma kampuni woto bot lwak kun gi miyo mic ma adwogi ne tye ma meggi bot lwak, wek giwil. Iwil man, jo mawilo mic gidoko wegi kampuni.

Tye kit gwok mo ma giromo gwoko kede lawil mic man?

Ada tye gwok. Ka leyo wil tye ki cik mapol, calo, cik pi lumemba ducu, cik me cat kede winyere ma giketo pi gwoko lawil mic. Me aryo, tye kancil maloyo leyo cat ki wil ma tic gi madwong obedo gengo kit kwo onyo tim marecu. Mukene ma gwoko lawil obedo Kampuni ma loyo cuk me lim onyo CAPITAL MARKETS AUTHORITY.

Anga ma myero oket cente mere i mic ma adwogi ne tye?

Ngat mo keken maromo mwaka 18 wot kede anyim, icoo nyo dako romo keto cente ne i mic man.

Anga obedo mema ma nongo mic ma adwogi ne tye?

Kadong ngat mo-ni owilo mic ki bot kampuni mo-ni, en dong doko calo ngat mo ikina wegi kampuni no onyo mema ma onongo

mic ma adwogi ne tye me kampuni ma en owilo mic iye.

Adwogi me jami (dividends) obedo ngo?

Man aye obedo cul mo ma kampuni culo bot dano ma guwilo mic aya i magoba ma kampuni onongo.

Rwatte adit me mwaka kimwaka obedo ngo?

Rwatte adit me mwaka kimwaka, ame kampuni ducu ma lwak ogame mic gi myero yub. Ika rwatte ni, ripot ikom kit ma tic pa kampuni tye awot kwede myero mi bot omema ame tye kwedi twero me yera ikom tam adongo dongo mamako kampuni.

An aromo yero mic me tiyo biacara ningo?

Pe tye kit yo mo acel keken ma giketo me yero kampuni ma iromo wilo mic iye. Yo mayot aye me lok ki akub lok me wil ki cat nyo ami tam ikom lim ma igeno wek omi tam. Kede bene iromo kwano buke ma kampuni co ikom tic gi nyo pulan me cato wil pa kampuni. Iromo bene nongo lok ma pir gi tek ma mako kampuni moni iyi karatac akwana calo Rupiny, kede en okene.

Nga obedo akub lok me wil kede ticere obedo ngo?

Man aye ngat mo ma okwano lok i kom lim, dok gi miye twer (license) me wilo kede cato mica aka-ka wang luwil ki lucat. Dok me aryo, ngat eni bene miyo luwil ki lucat mic ma adwogi ne tye tam ki diru ikom lok mamako yero kwede gwokko mic.

Tye kit cente mo ma akub lok me wil gamo i bot dano pi tic gi?

Ada mere akub lok me wil gamo cente mo. Cente man dul ma loyo leyo cat ki wil aye loyo pe akub lok me wil aye ngolo kiwiye kene.

Tic pa akub lok gi loyo ningo?

Kit ma akub lok me wil obedo mema me Gurup maloyo leyo wil nyo Uganda Securities Exchange, gin oye me tic ki cik, ma gurupi oketo, ki cik magi bene yubo wat akina gi kede jo ma wilo onyo cato mic ma adwogi ne tye.

Karatac ma nyuto lok ikom kampuni nyo (Prospectus) obedo ngo?

Man obedo karatac ma miyo lok weng mamako lim ki kit ma kampuni moni tye katic kwede. Calo kit ma lim gi con onwongo tye kwede ki bene pulan pa kampuni me anyim.

Lumema ma gugamo mic romo niang kit tic pa kampuni ningo ikare ki kare?

Kampuni weng ma nying gi tye bot gurup me leyo wil ki cat, myero gunyut ripot onyo kit ma gubedo katic kwede mwaka ki mwaka. Ripot man aye gipoko bot lumema ma gugamo mic. Me aryo, jami calo redio, karatac akwana miyo ngec bot lwak ikom lok ma mako kampuni mapatpat, ki en ma dong pire tek maloyo USE mito ni, acalo cik, ngec amako kampuni weng ma nying gi tye botgi gimiyo lok kati woko kamaleng.

Kit tic ango ma Ami tam ikom wil timo?

Man aye ngat mo ma okwano dok tye ki karatac ma miye twer ikom lok me lim. Ngat man en aye bedo ka keboro lok mapatpat mamako lim ki tic me kampuni ma gicato wil iyi ika leyo cat ki wil.

Kwene ma aromo wilo iye mic kadong gin acata okati woko icuk?

Wot atir bot akub lok ikom wil moro keken.

Atwero cato mic ma mega?

Twere, keken ni myero iwot bot akub lok ikom wil ma tye kede karatac ma miye twer.

Atwero kobo mic ma mega?

Twere. Me kobo mic, myero kong inen akub lok ikom wil.

Ngo manyutu ni mic man dong meggi?

Obino miyi karatac ma nyuto ame nyingi kede nama me mici tye iye.

Lwak ngeyo nining wel jami matye icuk me leyo wil ki cat?

USE kare ki kare miyo ngec me cuk man ikaratac akwana me NewVision kede Monitor ki redio ileb mapatpat. Man miyo lwak ngec ikom alokaloka matye iwel ki magoba manonge ki lok mukene mamako kampuni momi.

Nga ma myero awot bote ka anongo peko ki karatac ma nyuto mic mega onyo magoba?

Aran madwong maloyo kampuni ma gilwongo in Registra aye iwoto bote.

Nga obedo Aran adwong ma loyo cato wil?

Man aye obedo ngat magwoko lok weng mamako jami ma tye me acata kede mic ma adwogi ne tye.

Tic angu aye Gurup ma loyo cuk timo?

Tic gi me ngiyo onyo neno tic pa USE ki Gurup ma loyo cuk me lim nyo Uganda Capital Markets weng. CMA aye obedo jange mupore me anena kace akub lok ikom wil otimo tim ame pe rwate kede cik me tic gi ma gicoyo piny.

Adwogi ngo ma inongo ka iwilo mic man ma adwogi ne tye ni?

Inongo magoba ma gilwongo ni dividend
Ka iwilo mic i kampuni moni, in bene idoko calo dano acel

ikom wegi kampuni no. Dok pimano itye ki twero me nongo magoba ma ai kampuni eno ni, macalo magoba ma gipoko bot jo ma guwilo mic.

¥ Lim Manonge onyo magoba.

Man obedo mede i wel lim pa ngat mo matye i kampuni. Ka wel me mic ma iwilo omede, lim mamegi bene mede.

¥ Karatac nyutto mic giromo jengo ci inongo lim.

Karatac ma nyutto mic obedo gin awele tek adada ame bang weng gi gamo ka ijengo ci inongo lon.

¥ Mic me adwogi ne tye ni kobo pe tek.

Nongo mic onyo cato mic yot ata, dok wel pe tek ki dok pe tero kare, bene romo nonge ne i cawa mo keken ma rwatte ki mitte ni.

¥ Nongo tam onyo diro me cat.

Akub lok me wil ki dano mamiyo tam ilok me cat, miyo tam mabeco ka ma nongo ngec matut peke, ilok mamako cuk me jami me acata.

¥ Rwako tamni ilok pa kampuni.

Calo amema ame owilo mic, itiyé kitwero me bedo i akina jo adongo me kampuni man ka imiyo tam ma megí mamako lok me tic pa kampuni man.

Iromo doko amema ma owilo mic nining?

Tye yo aryo.

1. Wilo mic ma adwogi ne tye manyen

Kampuni kelo mic gi tyeno me acel ne bot lwak. Luwil madongo ki matino cwalo miti gi pi mic eno. Man aye gilwongo ni mic pi lwak mukwongo nyo man timere pi kare maromo cabit 4 Đ 6 ci gi loro.

Ikare me mic mukwongo gi kelo bot lwak karatac onyo papula ma gilwongo ni karatac ma nyutto lok ikom kampuni matye ma tye kacato mic gi poko bot lowil. Karatac man tiye ki lok mamako acaki pa kampuni mo-ni, jo ma loyo, ripot pa jo ma ngio buk me limpi mwaki 3 - 5 mukato angec, jami ma myero igwoke pire, ki tam ma kampuni moni tye kede pi kare me anyim. Cik tye ma icuk me leyo wil ki cat oketo ni myero ma pwod pe kampuni omiyo mic ame adwogi ne tye bot lwak, myero gumii karatac ma nyutto lok ikom gi bot lwak, me wek luwil guniang lok weng kadong giwilo gin ma gingeoyo.

Fom ma ngat acel acel pongo pi wilo mic ma adwogi ne tye gipoko kacel ki karatac ma nyutto lok ikom kampuni. Dano ducu ma gupongo fom man, culo pi mic man kaka kampuni man nonge iye(address) Jo ma gunongo mic gimiyoyo gi gin ma gilwongo ni karatac me mic.

2. Wilo mic ma adwogi ne tye.

Dano mukene pe gi romo wilo mic ikare me cabit 4 - 6 ma gimiyoyo, lok maber aye ni tye gin ma gilwonga ni cuk matidi nyo Secondary Market. Cuki en time i ka leyo wil ki cat wek mic pa kampuni moni owile icawa mo keken. Ka dong gi loro mic me acel bot iwak, dano pwod romo wil i bot jo aloyo leyo wil ki cat. Amonono dang, dano ma mito cato mic gi bene romo timo i bot ika leyo wil ki cat.

Owilo onyo ocat mic ma adwogi ne tye ningo ibot jo aloyo leyo wil ki cat?

Wilo onyo cato mic ma adwogi ne tye ibot jo maloyo wil ki cat gitimo ibot akub lok me wil matye ki twer pa gurup ma loyo wil

ki cati keken. Dano matye ki twero ibot Uganda Securities Exchange keken aye tye ki twero me cat ika leyo wil ki cat.

**Wilo kede cato mic ma adwogi ni tye ika leyo wil ki cat.
Nyuto miti ni.**

Ka dong ityeko nyuto miti ni ikom kit mic ma imito, kit ma akub lok me wil omi tam kwede, mok tami i wel ma iromo culo pi mic man ki nama me mic ma iromo wilo. Nakanaka akub lok me wil miyo ngec kit ma wel mic tye kawut kede. Karatac akwana bene mio ngec man.

Lok mapire tek tye ni, wel mic ma adwogi ne tye ni ai i kit miti kede pol gi pi mano wel twero wot malo nyo dwogo piny alubere kwede miti ne ki pol gi.

Kit oda (order).

Luwil ki lucat romo miyo oda mapat-pat bot lakub lok me wil ki cat kit man.

Oda me cuk.

Magi aye orders ma giwilo onyo gicato oyotoyot iwel matiye icuk icawa eno-ni.

Oda ma gi keto agiki ne.

Man aye oda me lacat onyo lawil nyuto wel ma en oye culo onyo wilo kede mic ma adwogi ne tye. Ka wel odok piny ma tunu wel ma lacat nyo lawil onyuto, ci lakub lok me wil ki cat tyeko wil man.

Tam me wil.

Kadong ingolo tam me wil, lawil pongo fom, ma gilwongo ni

Fom ma miyo ngec ikom lawil nyo Client Information Form, Oda Fom ci en keto cinge i fom me loko wil Purchase Transfer Form. Lacen en culo pi mic ma en oye wilu. Ka dong gi culu, lakub lok me wil dong miyo Recit ma nyutto ni wil otum.

Inino ma cat otime kede, lakub lok me wil cwalo bot lawil gima gilwongo ni karatac me konturak me wil. Ma nyuto mic adi ma giwilo ki wel ma giwilo kede, ki cul ma gingolo pi mic acel.

Man obedo karatac ma cik ngeyo onyo legal document. Man nyuto ni mic dong meg i naka kare ma inongo certificate. Karatac mr kontirak me wil nyo Purchase Contract Note myero gi gwok maber

Lakub lok me wil cwalo fom me loko wil ma gi keto cing iye bot Aran adwong me wil kun wok ibot jo ma loyo leyo wil ki cat. Aran adwong me wil ka onongo fom me loko wil ibot lakub lok me wil ki cat, miyo karatac me nyut manyen inying lawil, ka gidwoko bot lakub wil. Man aye karatac me nyut ma nyuto twero me mic ma adwogi ne tye ma meggi dok myero gigwok maber.

Tam me cato mic ma dwogi ne tye.

Nong mic adi matiye icuk kun itiyoo kede lakub lok me wil ki cat jo maloyo leyo wil onyo karatac akwana. Iromo wot bot lakub lok me wil ma meggi ka itite ni itye kede mic ma meggi ma imito cato iwel maber. Myero inge ni wel me mic woto malo dok piny bene, ci inen ni iniango lakub wil kit wel ma itye ka mito coo man acoya piny.

Ka cat otum ibot jo ma loyo leyo wil ki cat, lakub wil ma megwi cwalo boti karatac me konturak me cat ma nyuto cente ma in lacat myero inong kicat man. Lakub wil dong niangi nino me wot kagamo cek. Men myero otime ma cawa 24 pwod pe okato.



Niang Ripot me cuk pa USE.

Ripot pa cuk konyo dano atiyu biacara me ngeyo wel me mic ma en tye kede. Ngat acel acel bene romo lubo kit wel me mic tye kacung kedo ka tye malo nyo piny. lacat bene romo niang tic pa USE kare ki kare.



Nying jange ma USE tiyo kwede gi ki jo ma miyo tam.

Baroda Capital Markets (U) Ltd.

Plot 18 Kampala Road
P O Box 7197 Kampala
Tel: 233680/3 Fax: 230781
Email: bob10@calva.com

Crane Financial Services Ltd.

Plot 20/38 Kampala Road
P. O. Box 22572 Kampala
Tel: 341414 or 345345,
Fax: 231578
Email: Cranebnk@imul.com

Equity Stock Brokers (U) Ltd.

Plot 10 Kampala Road
P. O. Box 3072 Kampala
Tel: 236012/3/4/5 Fax: 236066
Email: Orient02@starcom.co.ug

G.A.. Onegi Ð Obel & Co. Ltd.

Suite 8, Give & Take House,
Nkrumah Road,P.O.Box 1610
Kampala Tel: 256-41 347164, 347165
Fax: 231813 Mobile: 075-720105
Email: negibel@imul.com

MBEA Brokerage Services (U) Ltd.

4th Floor, Pan Africa House
3, Kimathi Avenue
P O Box 24613 Kampala
Tel: 041 231960/341448/031-260011
Fax: 342045
Email: info@mbea.net
Website: www.mbea.net

PI L O K M U K E N E M A M I T E , W O T A T I R B O T ;

Uganda Securities Exchange Ltd.

2nd floor Workers House, Pilkington Rd.
P O Box 23552 Kampala Ð Uganda, Tel: 342818, 343297 Fax: 342841
E-mail: use@infocom.co.ug. Website: www.use.co.ug



2nd Floor Workers House, Pilkington Rd.

P O Box 23552 Kampala – U ganda, Tel: 342818 343297 Fax: 342841

E-mail: info@use.or.ug Website: www.use.or.ug